

八

編

類

纂

八編類纂卷之二百二十一

左編

人類

列女傳

東光縣主名楚媛紀王慎女也武氏專政紀主以非
罪徙於主號慟嘔血既免喪柴毀絕膏沐二十年中
宗復辟上書訟王寃得雪陪塋昭陵主疾已危懷泣
謂子曰寃結獲申吾下見先王瞑矣言訖卒

和政主者肅宗女也母章敬太后生三歲而章敬崩
章妃養焉嫁柳潭祿山陷京師姑寧國公主方嫠居

出走主棄三千斤馬載與潭徒步日百里以從潭躬
薪水主躬爨以養潭兄澄之妻楊貴妃之姊也前貴
幸時主泊如不干及是死撫其子如子玄宗在蜀郭
千仞反玄宗御玄英樓諭之降不聽下潭擊之主殺
兮以授潭殊死搏賊獲之肅宗有疾主侍湯藥勤甚
賜之田以他女弟未有賜固讓不受阿布思之妻沒
入隸掖廷帝內宴使衣綠衣爲媚戲主進曰布思誠
爲逆妻有罪不容近至尊誠無罪當念之不可與群
倡伍以得免代宗初立疏利病以聞天子鄉納吐蕃
犯京師王出亡次商於遇羣盜諭以禍福皆稽顙願

爲奴代宗以主貧詔諸節度餉億之一無受親補
裳衣勅諸子不服統絳安焉廣德初吐蕃再入寇主
姪子請入省陳備禦策潭止母往主曰君獨無兄乎
見內殿入對良久翌日免乳薨

漢陽主名暢德宗女孫也戚里爭爲奢主紆守儉約
常用鐵簪畫壁記出納嘗入宮文宗問姑所服何法
服也今世服侈甚始何代而然主曰妾自貞元時辭
宮所服皆當時賜衣未嘗敢少變元和後數用兵悉
以禁藏纖麗物賞戰士由是散於人間中外相矜狂
以成俗若陛下示好惡以風羣下誰敢不敬應帝悅

詔宮人視主衣廣狹爲製，諭戚里式焉。

楚王靈龜妃上官氏，下邳士族也。靈龜出爲哀王後，而所生父母在妃朝夕奉養之甚謹。凡珍膳非獻不先嘗，後靈龜薨，將塋，前妃無近族，議者欲不舉。妃曰：「逝者有知，竟營營何託乎？儻禮合塋之，自是屏粉澤，不復御以終。」

房相國玄齡妻盧氏，亡其世。相國微時，嘗疾病，喟然歎謂盧曰：「吾病脫不諱，君年少寡居，難當善事後人。」盧泣入帷中，剔一目以矢。曰：「所復有他志者，視此矣。」相國爲太息，泣下者久之。已疾瘳，比隆貴，禮敬倍老。

焉

李德武妻裴氏字淑英，戶尚書矩女也。適德武經年而德武以父罪從坐徙嶺表，矩爲黃門侍郎，奏離婚。煬帝聽之，德武與裴訣曰：「嬋婉甫爾，遽此分離，長訣矣。」裴泣對曰：「婦無再醮，夫者天也。天可貳乎？因操刀欲割耳，自誓武奪刀不遂，毀容貌，不御膏沐，日事佛誦佛經。累年，夫姑姊妹在都邑者，歲時命左右省焉。久之，德武問斷絕，矩欲奪其志，斷髮絕粒，不可奪而止。後十餘年，德武還，爲夫婦如初。時皖城公張儉女至孝，生三歲，輒能省顏色如成人，長愈恭順，聞儉卒。

一勸而絕詔以事忤史官

崔繪妻盧氏鸞臺侍郎獻女也夫早喪執義家欲嫁不許有女兄適工侍郎李思冲而卒思冲方貴顯表求爲繼室武后聽之盧出自竇冀機緣其面以走還崔氏斷髮矢不奪思冲以聞武后命爲浮丘尼以終崔玄暉母盧氏博陵安平人時嘗戒玄暉曰吾聞姨兄辛亥馭言凡子姓仕宦貧窶不自存此是好消息若貨貨盈衍裘馬輕肥此惡消息也吾嘗以爲確論比見親表中仕宦務財賄奉其親其親不究所從來而悅之今出祿廩乎善矣如不然於盜禦何異吏不

能忠清不內愧天地乎汝必識之故玄暉所至以清白名母亡哀毀爲天官侍郎遷文昌左丞令史至相慶已與反正外忠母之教也

崔夫人唐氏山南節度瑒之祖母也姑長孫夫人年高無齒唐事之孝謹且櫛緹笄總拜階下畢卽登堂乳其姑以爲常姑不粒食者數年康寧如一日後屬疾宣言無以報新婦恩願新婦有子有孫皆得如新婦孝敬聞者感動後山南昆弟子孫果殷盛

鄭夫人者韓文公愈之兄嫂也荊陽人爲昌黎韓會妻愈生失怙恃嫂念寒而衣念饑而飧愈未齠從兄

官秦州、兄坐謫遷韶州、以卒去、故鄉萬里、幼孤滿前、不能趨鄭拮据誠至竟以喪返、塋春秋霜露敬薦享、韓氏祖考如夫存遭時艱、避地江南、撫其子指愈而泣曰、韓氏兩世、獨此耳、流涕滂若不自勝、誨導愈勗之、成本退之、成立爲大儒、嫂之力也、及卒、愈哭之、絕而後蘇、服之、替嫂之服、替也、自退之始也、叔之不爲服、以遠嫌也、辟而亡天、嫂腹之成、雖嫂也、實母也、何嫌之有焉、亡於禮者之禮也、而愈有乳母李徐州人、始入韓氏、乳其子、終不忍棄去、遂老於韓、愈事之如母、厚道也夫、

柳太君盧氏涿郡人侍御史鎮妻柳宗元子厚母也
七歲通毛詩列女傳歸御史諸伯叔母若姑姊妹若
其子雖遠在千里外具迎以來盧承事唯謹歲惡食
不足而食其孤有幼者恒充也諸姑有歸者廢寢食
爲齋齋侍御官英中宗元生四歲家無書盧親授古
賦十四首諷傳之以詩禮圖史及女工授諸女後皆
爲賢婦侍御將改葬其父母而沒不克葬盧痛之宗
元爲禮官命之曰汝忘而父所欲喪者大事乎吾家
婦也今宜老而不敢自暇則爲是故也會宗元以譴
謫永州命之曰汝惟不自愛底于罰今將大儆于其

後明者不悼往事。毋徒戚戚爲也。敬懼而已。已竟卒耳。

柳公綽夫人韓氏。相國休曾孫相國皐女也。嚴肅儉約。歸柳氏三年。無少長未嘗見其啓齒。斥綾羅錦繡不御。每歸覲。不乘金碧輿。乘竹甕子。二青衣步履以隨。嘗自粉苦參黃蓮熊膽和爲丸。賜諸子。每末夜習學。舍之以資勤苦。

李母者御史畬母也。畬爲監察御史。得廩米。槩之三斛而贏一。問贏何也。吏曰。御史米。故不槩。問車庸錢幾何。曰。御史車。故不請備。錢母怒。敕歸餘米。償其庸。

也

唐初有王蘭英者，獨孤師仁之乳母也。師仁父武都
謀歸唐，爲王世克所殺。師仁甫三歲，得不死。蘭英哀
之，請得髮，鉗爲保養。許之時，天下喪亂，餓死者籍籍
蘭英身啖土，啜冰茹草木，自活而行丐食，飼師仁。竟
生之，居無何，詐爲樵採，竊仁師間歸京師。高祖嘉
其義，封末壽鄉君。

夏侯孝女者，滑州胙城人。父爲鹽城丞，歸喪，明貧無
以自存，女歸邑人劉寂者數年，生二女矣。念父甚，請
歸侍其父，寂聽之。旣歸，養劬甚，事後母以孝聞。居五

年父沒毀不勝器被髮徒跣身負土作冢廬其左寒
不綿續日一食者三年詔賜粟帛表門後孝女卒其
女居母喪如母詔表世孝門太宗時有繹州人衛孝
女無忌者方六歲父爲鄉人衛長則所殺無兄弟母
改適欲報讐無由也會從父宴客長則時在坐無忌
抵以甓殺之自詣吏請死巡察使以聞太宗命給驛
徙雍州賜田宅命州縣禮嫁之高宗時鄆城有賈女
年十五父爲族人玄基所殺獨有弟孝女不肯嫁撫
弟之弟強仁少長孝女教令伺玄基殺之自詣吏請
死詔并免徙洛陽武后時汴女李少失父能哀少長

母欲嫁之斷髮誓終養及喪母號毀幾斃家無丈夫
自營歛塋具州里歛其孝送塋者至千人塋畢廬于
墓蓬跣負土成園塋詔表門

鄭義宗妻盧氏范陽人涉書史事舅姑恭順得婦道
常夜有盜數十持杖鼓譟入其家家人屏竄惟姑老
在室不能去盧冒白刃立姑側擁抱姑不去爲賊所
捶擊幾斃姑以全

盧懷清妻徐氏淄州人懷清仕爲校書郎坐僚壻得
罪貶播州徐不得從糲食攻苦斥膏飾弗御會大赦
懷清當還徐往迓而夫死中道二髯奴劫污之徐數

其罪不敢逼，獨劫其貲去，徐徒步走播州，足流血，竟以夫器還塋汴，刺史齊澣高其行，頌而詩之。

賈直言妻者河朔舊族也，直言父道冲，以待詔得罪，詔使徃醵之，直言給使者曰：「藥成，當謝四方神祇。」父起拜，直言急取醵，自飲曰：「願代父死。」使者貽愕，奏以聞。代宗聞而憐之，覘焉。直言妻潰足而出，復不死，乃貸父死，徙直言嶺南。直言以妻少，與訣曰：「吾生死不可期，汝少可亟嫁，無須也。」董不荅，退引繩束髮，封以帛，使直言署其上，曰：「非君手不解矣。」直言在嶺南二十年而反，帛如故。既見，乃湯沐髮墮無餘。直言後立。

奇節

饒娥者饒州樂平人字瓊真世漁鄱水上娥淵懿靜專雖小戶未嘗出遊治勤締葛共女事鄉閭敬焉娥父漁而醉風卒起不能舟溺歿不得歿娥聞父歿走水上哭三日不食耳鼻皆流血氣絕伏地歿明日父屍出蘆葦蛟魚浮歿者數萬塞川下鄱人悲歎以爲神奇共會錢塋之鄱水西琢石立碑表焉

樊彥琛妻魏氏楊州人溫惠知音彥琛病且歿請從彥琛曰歿生常道從歿非吾志也養諸孤可矣會徐敬業亂陷軍中令鼓箏魏引刀斬其指賊以刃擬之

魏曰速死吾志也乃遂死有符鳳者以罪徙南海爲賊所剽殺妻王英自沈死趙州刺史高叡爲默啜所攻州陷妻秦與俱執默啜以美官誘之降叡目秦秦曰賊官何足榮皆瞋目死未秦中天奉盜作二女竇氏有容色長者年十九幼者年十六匿巖穴間賊迹得之驅以行臨絕壑數百尺其妹曰吾義不受辱投崖死盜方驚駭姊繼之自投盜舍之去官爲歛葬詔表門梁宋盜作斬令李瀾諭降賊數千人刺史襲擊之以爲功賊大恚執瀾及其弟欲殺之兄弟爭代死瀾女李亦請代遂俱死王信妻裴氏見俘罵賊死鄉

待徵妻薄氏待徵官江陰爲賊得語其姐使報待徵
曰若行矣我義不辱當必歿於水賊去得其屍水中
吳元濟反用牙將董昌齡守郢城而質其母楊母謂
昌齡曰願歿賢於逆生汝去逆效順是榮母也昌齡
乃舉城降元濟因楊欲殺之會蔡平而免詔封北平
郡太君蔡人有李湍者亦自拔歸河陽賊怒縛其妻
鬻之妻且歿猶號其夫曰善事烏大夫烏大夫者河
南節度使重胤也朱克融亂幽州幕韋雍爲賊執將
殺之妻大呼願前歿刑者斷其臂神色晏然俱遇害
董昌齡爲招討治無狀錄事參軍衛方厚數爭事不

得伴成昌齡閉其棺殮之方厚妻程自刎詣闕下陳
寃事得白封武昌安縣君南賊陶齊亮母金不從亂
自田而食紡而衣終身不食逆子之食事聞賜兩丁
侍養歲州縣存問終其身劉從諫之逆也張谷以窮
遊佐其幕歌兒李新聲者內憂之乘間勸谷爲反正
不宜顧一飯恩自汗谷不能決新聲縊而谷竟及於
難

高愍女者潁川刺史高彥昭女也名姝姝建中初河
北盜李納質姝姝與其母兄使彥昭守濮陽彥昭以
城自歸納恚將殺之時姝姝方七歲母爲之請爲婢

以祈歿計之。姝姝不可曰：生而辱不如歿。且母兄皆歿，兒何庸獨生？將刑，母兄皆拜四方。姝姝曰：「我家爲忠，就誅夷四方神祇，居何知問其父所在之方？」哭再拜就歿。事聞下太常賜諡褒焉。

先是孝女妙法者，瀛州博野人。安祿山反，被俘徙泗州。聞父歿，欲問道奔喪，念一子不忍去，割一乳留以行。會父塋號踊啓視之，旣見棺舌舐其塵，散髮拂治之，結廬墓側，手封樹。事後母篤孝，母卒，刺血書母臂，塋之。已，廬墓終身。元和中，徐州有王孝女者，父兄以防秋歿吐蕃。孝女被髮徒跣，服衰，抵湮屯，丐貸護喪。

還塋之亦廬墓終身大中時瑕有鄭孝女者父戰成
慶州母卒無兄弟卽剪髮毀服走慶護器還與母合
塋廬墓下終身而順陽鄉人楊豐朝出田爲蠹啞女
香甫十四走前搯虎頸救之父得免皆旌門

謝小娥者洪州人爲歷陽段居貞妻居歲餘居貞與
謝父同行賈江東並爲賊所盜次小娥痛欲赴江自
沈救而免乃行丐食至上元夢父及夫告以殺已者
名離析其詞爲十字持問內外姻莫能曉隴西李公
佐嘗占得其意曰殺若父者申蘭殺若夫者申春徧
訪莫得也至江州得焉則有名盜亡命者也於是小

娥詭服爲男子與傭保雜作因託傭蘭家日謹信自
効傭保咸愛之雖蘭亦倚信諸盜藏委焉小娥見父
與夫服用物具在乃益信所夢出入者二期欲伺便
一日蘭出剽還集羣偷來分賊共釀酒爲樂醉卧小
娥閉戶拔佩刀斬蘭首因大呼傭保來捕賊遂禽春
言之官得賊千萬得其黨數十皆抵死刺史張錫嘉
其烈欲以聞觀察使不爲請還豫章豫章人高其義
爭聘之不許祝髮事浮屠垢衣糲飯終其身

同州軍亂逐節使河中令畢某者匿聖仙里中妻竇
從乃所仇家也夜半仇持刀猝令首必死之竇以身

蘇捍持賊袂中刀不解令得全王仙芝亂攻汝州鄭
城尉李廷節執妻崔美欲污之詬賊歟黃巢入長安
校書郎殷保晦妻封相教女孫也匿蘭陵爲賊得而
美歎汗之謗劫萬端終不應已杖劍擬之封曰我公
卿子守正而歿猶生也竟不辱而歿咸通末天子狩
寶雞翰林學士李拯從陷賊歟妻盧伏尸哭行瑜逼妻
之堅不可臨以兵不屈斷一臂不顧歟畢師鐸之亂
入掠資克食廣陵賈周迪與妻俱餓甚妻謂迪曰今
度不兩全君有親在不可歿願見賣以濟君迪不忍
妻詣肆求售得數千錢行迪出城門不忍還詣肆妻

歿矣。迺大慟，裹其骨歸塋焉。

朱延壽者，楊行密妻弟也。與行密卻謀殺之事，覺行密給而召焉。延壽妻王勸毋行，不聽。王曰：「君必行事，未可期，願日發一使以安我。」一日使不至，王氏曰：「事可知矣。」部僮僕闔門積薪已，而捕騎至，王焚府舍曰：「誓不爲讐人辱。」赴火歿。五代時，號州司戶參軍王凝，卒於官家貧，獨一子尚幼。妻李，齊人也，負遺骸歸，過開封止旅舍。求宿旅舍主人見其寢，格之，不留宿。李顧天已暮，不肯去，牽其臂出之。李仰天長慟曰：「爲婦人臂爲人所牽乎？不可以臂故污吾身。」卽引斧斷其

見者環聚觀皆嗟泣開封尹聞之爲笞其主人予
善藥封瘡予齋資歸焉

宋魏國公主者太宗皇帝女也帝嘗發寶藏觀諸女
令擇取主疑立無取也真宗時歸駙馬都尉李遵勗
父適生日主執婦禮謁上壽帝問錫兼衣寶帶助焉
遵勗賢賓客皆一時賢士主親膳饗之嘗有盜入其
第有司多所訊捕主恐其寃也請出所逮人而以私
錢募告者諷緝之乃果得真盜情得復請貸遵勗守
許州得暴疾主聞趣駕馳往視左右白法得報乃後
行主不待報從五六人乃遂往帝聞命內侍督諸縣

邏兵衛馬。

馮夫人秦國公陳省華妻也。省相堯叟。文惠公堯佐節度使堯咨也。皆舉進士高等。堯咨守河南。還馮夫人問曰。汝典名藩。豈有異政乎。堯咨慙謝。無有。夫人意不悅。一日縱言州孔道。過客與堯咨射。無不讓。堯咨能者。馮夫人大怒曰。汝父訓汝以忠孝輔國家。今不務仁政教化。而專一技自名。豈汝父之訓耶。杖擊之。金魚墮焉。

韓國夫人鄭歐陽文忠公修母也。爲贈崇國公妻。崇公舉進士。歷泗綿二州推官。卒。生修。甫四歲。貧自力。

於衣食用勗修於學授之書嘗大雪夜以荻撥地爐
寒灰畫字教之書居恒泣告修曰而父爲吏廉而好
施與俸入雖薄嘗不使有餘曰毋以是爲我累故其
亡也無一錢之積一壠之植以庇而爲生吾何恃而
能守耶自吾爲汝家婦不及事舅姑然而知汝父之
能養也汝孤而幼吾不能知汝之有成然而知汝父
之將有後也吾始歸汝父免於喪踰年矣歲時祭祀
必涕泣曰祭而豐不如養之薄也間御酒肉父必泣
曰昔吾嘗不足而今稍有餘何及於養也始吾一二
見之以爲新免於喪適然耳旣其後常然至終身未

嘗不然以此知汝父之能養也。汝父爲吏。夜秉燭視刑。要屢廢書而歎。問之曰。何歎。曰。死獄也。吾求其生而不得耳。吾曰。生可求乎。曰。求其生而不得。則死。者與我俱無憾也。矧求而可得乎。以其求而得而傷。夫求而不得者。爲可哀也。回顧乳母抱汝立於旁。指而言曰。術者謂我歲在戌當死。使其言信。吾不及見兒之立也。嘗以我語告之。其平居教他子弟。率用是以是知汝父之將有後也。於是修感奮力於學。方貧賤時。治家儉。後修舉進士。稍顯矣。常不使過之。曰。儉薄所以居患難也。旣而修以直諫貶夷陵。則言笑自若。

曰吾家故貧賤吾處之素矣汝必安之修卒以忠正文學爲名賢相母之教也果封越國太夫人卒

張待制鼎之妻魯氏參政宗道女也其女弟爲申國呂正獻公夫人女更配其子則榮公希哲也魯夫人甚愛女而居常至微細事教之必於禮每飲食飯羹許更益魚肉不更進也旣歸呂往視之見舍後有鍋釜之類大不樂謂申國夫人曰豈可使小兒輩私作飲食壞家法耶其嚴如此

清河郡君張氏尚書存女溫國司馬公光妻也嘗夜濯足婢誤以沸湯濯之足爲爛病月餘方已僅一批

其頰而止平居自奉甚約及用賜親戚未嘗吝公爲小官時夕遇盜笥中衣盡亡天向寒無續絮頗嘆惋郡君笑曰但願身安衣可復有公爲之釋然其卒也誌其墓曰婦人無外事有善不出閨門叙而存於家使子孫女婦式焉

臨江軍判官王益妻吳氏撫州金溪人臨江生七子長二人元配徐出也愛之甚於子二子卒遇其嫠婦異諸婦處內外踈戚甚恩自奉養未嘗擇衣食而人以窮來歸者分衣食憇之嫁三從孤女如已女待長子之母族如已族方困時朝廷召其子安石官之至

數十不起。或曰：盍強請。曰：士國有志，吾何可強之也。及安石知制誥，法得封其親，勅勿言。已，安石有歸志，以不足於養爲憂。夫人曰：義苟當去，吾豈有不安哉。劉母者，忠定公安世母也。安世初除諫官，未拜命，入白其母，曰：朝廷不以兒爲不肖，使待罪諫職，儻受命，須明目張膽，任言責，脫觸忤者，禍矣。恐且爲母憂。上方以孝治天下，以母老請，可免也。母曰：不然。諫官爲天子耳目，天下事得其言。汝父平生願爲之，不得也。汝得之當捐身報國恩，正使得罪流放，固其誼也。何備焉。誠得罪，無問地遠近，吾誓從汝行，不憚矣。忠

定正色立朝。瀕九折不悔。母教然也。

張魏公浚母夫人。計氏。贈太師君悅妻。綿州廣漢人也。太師官華州。蚤卒。時年二十五。浚能言。卽令誦父所爲文。能記事。卽告以父言行。無頃刻令去左右。故浚雖幼。視必端。行必直。坐不欹。言不誑。甫冠。與計偕入國學。母送之。條勗戒詔數十端。書之策。授焉。浚貴。所爲有不當。必變色示戒。晚謫永州。彗星見西方。念已故都相位。蒙主恩。而時相檜誤國。禍天下日甚。欲力論時事。又念母年高。言之必致禍。恐母不能堪。內憂之。體爲之瘠。母怪問。以實對。母不應。惟誦其父紹

聖初封方正策之辭曰臣寧言而死於斧鉞不忍不言以負陛下。後意遂決書上竄封州母送之曰行矣。汝以忠直得禍何愧。惟勉讀聖人書無以家爲念。楊秘閣萬里妻羅氏廬陵人萬里轉運江東子爲帥尊重矣采椽土階如田舍處之怡然每寒月黎明卽起詣厨下躬作粥召臧獲女使徧食之曰天甚寒須使其腹中有火氣乃堪役使耳其子聞之曰是賤事夫人老而親之無乃爲逆施乎夫人怒曰若言如此其必不遠矣賤物貴我勞人自逸天道所不右也守吳迎就養時年八十餘於郡園中種苧躬紡績不懈。

遷五羊得月俸以奉母母稱疾盡出之曰吾福薄乃
得此果致疾宜悉散之平居服飾無華麗生四子三
女畢自乳曰饑人之子哺其子吾不忍爲也

吳母者進士賀母也賀與賓客語間旁及人短母聞
之怒客退答之百所親解之曰臧否士之常當有何
過而答之若是母太息曰吾聞愛其女者必取三復
自圭之士妻之誠全之也今獨產一子當使知禮讓
而出言忌親豈可久之道哉因泣不食賀由是恐懼
自飭爲名人

包懿妻崔氏合肥人孝肅公拯子婦也總早亡惟一

穉兒存姪夫婦意崔不能守使左右嘗之崔蓬垢涕泣出堂下曰翁天下名公也婦得執滌滌其養幸矣其改汙家聲乎生爲包氏鬼誓無他也後稚兒亦卒曰呂自荊州來挾輿歸欲嫁之曰喪夫守子子死孰守崔曰昔之留也非以子也義不二也况舅沒姑老其何忍去母怒曰死寧死此不獨歸矣崔曰母遠來義不當使母獨還然至荊州儻以不義見迫必絕於尺組之下而以屣還包氏遂偕母歸母見其終不變也卒歸之包氏以節終

朱媛者越上虞朱回女也母早卒鞠于祖母里惡少

顏與其祖母競持刀來刺之舉家驚走娥時甫十歲
獨號呼前擁持手挽顏衣大呼曰殺我母殺姐姐得
脫走娥竟成會稽令董 斃惡少爲立像曹娥廟中
張烈女者江夏民婦也里惡少持刀逼與亂不可被
刺不殊猶能走號呼其隣人而歾而分寧彭女從父
入山行伐薪父爲虎啞女拔刀斫虎奪父還詔皆賜
粟帛

開封博徒有婦朱貧賣巾屨簪珥以給夫夫日與俠
少博不省也屢勸諫不聽已犯法徙武昌父母念不
可與長也欲奪而嫁之婦不可夫濱行一夕自經歾

王則反貝州聞趙學究女有殊色劫致欲妻之日墜
罵求死不得給以必擇日禮聘乃許則歸之請期焉
及期涕泣登輿已自經輿中靖康之難新郎張晉卿
妻丁爲金將所得挾之轍投地下者數四罵賊賊建
炎初汝州王氏二婦爲金掠置舟中自沈漢江賊和
州徐閤中女爲維陽潰軍所得欲汙之罵投江賊金
道三吳吳人吳永年妻及姊自沉賊陷明州貢士鄭
覃爲虜得罵不屈躍水死妻董哭從賊盜剽滕滕縣
女董美不屈死盜掠臨淮臨淮王宜邀妻避不可曰
婦不出閨遇賊死盜掠方城節孝純妻師正言驥

子也罵賊歟臨江貢士歐陽希文妻廖身蔽姑逃之
以身歟龍泉李生妻梁不辱赴水歟時世亂乏食盜
掠人以食滁州丁國賓爲盜掠將烹之妻泣請代賊
釋夫而就烹樂平王表妻趙亦身就歟盜寇儀真將
作監主簿馬元穎妻榮與姑及一女出逃難姑素羸
榮扶掖不忍去爲賊得欲污之不可殺其女劫之不
可罵賊歟紹興盜作南雄李科妻謝真陽吳琪妻譚
皆不屈歟臨川余端友妻陳爲盜得汙之不可罵賊
歟燕湖詹氏女父授經里中老而貧女事之謹遇盜
陽自屈免其父免其兄一躍入水歟

張女者羅江人也。母楊寡居。親黨有婚會。毋赴之。與女偕。典庫雍乙從乙先歸。罷會。楊氏還。則乙歿庫中。莫知殺者主名。言之官。提刑張文僥忍人也。億楊與乙亂。懼人知。殺之以滅口。下吏苛劾之。楊言與女同榻。實無他。逮女訊。詞不更。乃掘地爲坎。縛母子其中。旁列熾火。間以水沃之。終不承。一日女謂獄吏曰。我不勝痛將歿已矣。願一見母而歿。既見。謂母曰。母奈何受此污辱。必母自汙。吾今歿。將訴冤於天。言訖絕。於是石泉地大震者三日。聲如雷。天雨雪。屋瓦皆震。勘官李志寧乃震恐。夕具衣冠禱于天。俄假寐。若有

猿墜其前驚寤呼吏卒索之無有也默自念豈殺人者袁姓乎忽門卒報張氏饋食人袁大進執之曰殺人者汝也袁色動曰吾憐之久矣願就死問之云適盜庫金會雍歸殺之楊乃免時女死纔數日郡榜所告曰孝感坊

謝泌妻侯氏南豐人貧事姑孝盜焚剽里舍遠近逃避姑篤疾不能去侯守視姑側終不去盜挺之仆幾絕賊退蘇見道旁一篋發之金珠也族婦以爲已物攘之分其一謝侯侯辭曰非我有不願也後夫與姑俱亡子幼父母欲更嫁終不可竟貧餒終身焉

林女永春人。笄未婚。紹定中。寇犯永春。女入山避之。猝遇寇。度不得脫。給之曰。有金帛埋於家。盍同取之。甫入門。大呼曰。吾欲死於家耳。不辱也。遂遇害。董八娜。鄞人。虎銜其太母女。手拽虎尾。以身代虎。釋其太母。銜女去。守建祠祀之。

曾氏婦晏者。汀州寧化人。夫歿。不嫁。紹定間。寇破寧化。將樂令令土豪各爲砦。結約以拒賊。晏有助兵。給糧多。殺獲賊。結集來攻。諸砦不能禦。晏獨依黃牛山。傍自爲砦以居。一日。賊遣人來索婦女金帛。晏悉召其田丁諭之曰。汝曹衣食我家。賊求婦女。意在我汝。

等必用命奮擊之不勝殺我降未晚也傾齋資餉之
衆感奮晏自執桴鼓使諸婢鳴金作其氣賊復退敗
鄉鄰人挈家依焉有不能自給者晏悉以家糧飲之
於是聚衆日廣與其豪析黃牛山爲五砦選少壯練
訓之有急互犄角相援賊數攻弗克所活老稚數萬
計知南劍州陳韓遺金帛獎之名其砦曰萬安晏悉
散給其下又分五砦人詔封恭人賜冠帔補其子承
信卽

開慶初元兵陷岳陽巴陵韓女甫十八赴水歿越三
日得其尸於練裙帶中有詩曰我質本瑚璉宗廟供

蘋。繫。一。朝。嬰。禍。難。失。身。戎。馬。間。寧。當。血。刃。歟。不。作。社。
席。完。漢。上。有。王。猛。江。南。無。謝。安。長。號。赴。洪。流。激。烈。摧。
心。肝。元。陷。撫。州。臨。川。王。婦。梁。嫁。才。數。月。與。夫。約。不。辱。
已。被。執。軍。帥。欲。汙。之。約。之。曰。夫。在。不。忍。也。乞。歸。之。而。
後。可。帥。以。金。帛。與。其。夫。遣。之。并。與。一。矢。却。後。兵。已。即。
之。婦。度。夫。去。遠。罵。賊。歟。德。祐。中。元。兵。入。浙。東。臨。海。上。
婦。執。舅。姑。夫。皆。歿。迫。納。之。婦。號。慟。欲。自。殺。不。得。乃。陽。
謂。帥。曰。吾。舅。姑。與。夫。歿。而。不。爲。之。衰。是。不。天。也。不。天。
之。人。君。焉。用。之。願。得。爲。之。衰。期。而。聽。命。許。之。師。還。行。
至。青。楓。嶺。下。臨。絕。壑。婦。嚙。指。出。血。書。山。石。南。望。哭。投。

厓灰血漬入石化爲石天陰雨墳起如始書元至正中郡守爲立祠嶺上易名清風嶺元破永新譚婦抱嬰兒隨同舅姑走縣學文廟中匿虜至殺其舅姑執婦欲污之不可臨以刃趙罵曰吾舅灰於汝吾姑又灰於汝吾從吾舅姑灰耳豈顧生哉遂遇害血漬於文廟兩楹間八軌爲婦與嬰兒狀久而宛然若寫影在地見者神竦髮立或磨以沙石終不滅燬以熾炭狀益顯如新景定中盜破進賢吳中孚妻王自沈灰元阿木破銀樹堪得運使趙淮使請揚州招制置使李庭芝降淮佯許諾至城下大呼曰李制使男兒灰

卽灰耳母降也阿木怒殺之棄其尸江濱淮妾俘軍
中盡解其衣裝賂校請購尸得之焚骨置缶中操小
舟赴急流仰天慟抱與俱沈灰

福建招撫使劉全子倡義抗元灰有司執其妻林勸
反狀林叱曰林劉二族世以忠義報國何謂反事不
成天也豈顧辱哉汝知去歲有血書壁義不降而灰
者乎是吾兄也吾灰且求治汝於地下何以生爲遂
遇害兄謂林空齋也乃郝節娥嘉興人出娼族不染
乞爲良不得母與少年期因叢祠具酒逼之挽拌與
食飲嘔噦滿地歸陽渴求飲赴水灰而毛惜借者耻

事畔臣不屈、歿、嗚呼謂天性不貞哉

麗水二賢母者、林侑妻周、侑子鄉貢士江婦徐也、周知書奉道法、夫卒、奉姑謹供饋、非手所治、弗以進、徐養周亦如之、宋季亂、徐生子定老、甫六月、元兵至江、負之竄澤中、寇追射江、棄兒、走、歿、周婦姑避地東山、聞變、扶媵、人間行、往、適之、又遇盜、時周既老矣、盜麾之去、而迨徐、東行、姑婦相持、哭曰、願同歸、九泉不相離、苟生也、涓事神、謹默禱神、而寇忽、目眩、若見有負裝、橐行者、急持戟趨、敎之得脫、去、自騎灌莽中、盜去、行失道、過澤畔、則先所棄兒、乃在、弗怖、弗啼也、媵急

呼曰兒在矣兒在矣。亟抱以去。兵退迹江尸得焉而
家燬。僦舍以居。瓦鎗敗。帷婦姑相爲命。時徐年甫三
十耳。或說其再適。則指兒泣曰。林氏數十世惟姑及
此兒。吾何忍棄之。天未降割。林氏兒幸成。異日持酒
酬林氏先塚姑之慶也。吾之願也。卽疾瞑矣。兒幼多
病。母太母日夜保護之。稍長。自刻篤於學。鄉先生潘
架閣。稱奇之。欲女焉。問二女長辭曰。林生微而貧。次
女曰。惟命。遂妻之。荆釵練裳。提甕出汲。忘其家之富
盛也。奉二母孝。徐晚嬰末疾。不能行。潘晝夜扶掖。疾
革。割股肉雜淳糜以進。後定老舉元。延祐進士。爲秘

書丞追贈父母如其官。前所棄兒也。子孫多舉進士。至大官。徐壽六十有三卒。後一年周乃卒。年八十有一。

崔烈婦者周术忽妻也。從术忽官平陽。金拔城下令官屬妻子匿者。死。自首者出之。時术忽以使事在上黨。崔卽抱幼子。顧自言將使軍吏書其臂。出之。崔氏曰。婦人臂使人執而書乎。辱也。予吏金請書之。紙吏曰。軍令也不敢令崔自炫。袖懸筆書出焉。旣出將命。追之伏土窖中三日。乃得免。术幾卒。崔年二十九。誓不更嫁。斥麗飾服布蔬食。有權貴求娶自

毀面絕之治家教子具有法後四十年乃卒

郭三妻楊東平須城人三從軍襄陽楊留事舅姑以孝聞夫死戍母欲奪嫁之不許久之夫懼還舅念婦年少終改適不飲壯子鯨處地下求里人亡女骨合瘞之楊悲憤不食自經死與夫合葬焉

李女者建寧浦城人父無子母卒毀不茹葷三年治女工供祭祀奉父母甘旨畢具父嘗以許邑人鄭全未嫁邵武豪陳良強委禽焉女斷髮求死卒歸全事舅姑有道全沒悲哀不食數日死

齊開妻劉河南人開應募爲千夫長戰死澤潞間劉

貧無依不再適勢家強婚之劉紹之曰吾三月三日
有心願償畢從汝矣是日詣天寧寺浮圖絕嶺叩天
徹獻自墮歿

惠士玄妻王氏大都人夫病篤執王手以妾所生子
為囑而卒王蓬垢廬墓側以妾子置左右飲食煦嫗
之終喪子復歿親戚攜酒饌祭墓上方行酒王自經
樹上歿同鄉費隱妻王亦自經從歿焉

都水監朱虎妻茅坐事家簿錄豪家欲妻之茅以女
子三人裾相連結晝夜倚抱哭形貌銷毀竟不屈託
永明尼寺以居憂憤卒紹興俞新之妻聞人氏夫歿

斷髮誓不嫁事姑孝姑病風失明聞人手滌溷穢時
時舐其目目爲復明姑卒與子親負土終塋之

袁氏三節者涇陽袁天祐之王母母及妻也天祐王
父及父皆歿戍王母楊母焦皆守義天祐亦從軍歿
妻焦尤少亦守義以終澤州三節者張興祖妻某王
母若母也與祖卒或諷王改嫁婦泣曰妾王母母並
以貞操聞妾而有他志是忘夫而辱先人也忘夫不
義辱先人不孝不孝不義有歿不爲也娶居三十年
奉舅姑生事歿塋無違禮具得旌霍氏二節者鄭人
霍耀卿顯卿兄弟妻也耀卿卒妻尹守義不改適顯

鄉繼卒妻楊氏與姒俱修婦道事姑二十餘年而邠
州任氏乾州田氏皆一家三婦以節孝見褒內黃趙
美妻王夫歿不改適舅欲以族子與繼婚堅不聽且
之自經歿魏城丁從信妻李年二十寡父母迫嫁之
走詣夫冢木欲自縊不得還入室更新衣自經歿
邠州李馬兒女少寡勢家欲奪之詣夫墓哭自經歿
表門

江文鑄妻范氏奉化人婚之夕未合而夫暴歿范
曰我則既入門矣入江門則江婦豈復有行哉撫諸
子如子終不還

天曆初兵掠河南洛陽趙彬妻朱被執逼與亂不可
兵怒提曳楚辱之度不免紿之曰舍後井旁有墜金
當發以遺汝信之踵之行抱三歲女赴井歿偃師汪
氏女被兵執投澗歿龍溪陳竭才妻蔡氏自沈歿龍
泉湯輝妻張氏刺乃歿湯二女以父母見殺觸刃歿
順寧地震臺叔齡屋墮壓不能興會火作叔齡母前
救不得欲就焚叔齡呼妻曰吾不可得出當亟救吾
母劉謂夫妹曰汝兄歿吾無用復生自投火中歿
天台三節者杜思綱妻陶宗媛及女弟宗婉若弟秘
書監陶諒妻王也初思綱娶沈生三女及子勣而歿

陶爲繼室生一女而思綱卒宗媛不再適奉姑謹視
前室子如所生長育婚嫁之矣元季亂台殷於益宗
媛護姑隱不忍去爲盜兵所繫驅之行不聽剗刃于
頸深入二寸餘不見血而死是日宗婉歸周本亦死
方急時誼妻抱子長出走已力竭謂傳母曰兒存吾
不歿矣赴南隣杜氏并歿當是時歛人羅宣明散家
貲募兵保鄉井妻盡捐奩中資相之盜犯歛宣明謂
妻曰我素負殺賊名盜必屠我家汝從行毋留蔣曰
婦人在軍中氣不揚妾有兄弟在香山砦可守也灑
泣別無何歛城陷賊聞宣明妻孥在香山悉力攻蔣

炮炙符觴命蒼頭媵具醉飽以二子屬蒼頭曰我誓
不受辱必決矣不可使羅氏無後汝護二兒還生翁
言訖出遇賊巖崖上赴崖下歿焉長子及蒼頭媵皆
遇害寇退蔣從子志道從積屍中緣崖下見貞婦如
生傷有衣篋類有物動啓視之幼子也抱以歸

謝烈婦芾婆蘭溪吳履妻也金華人年十三適履勤
禮執誼非其志不行履貪常客游謝奉舅姑舉賓祭
必其盜破睦州謝謂履曰盜得睦必東窺妾衰瘦如
柴且暮盜且至吾不能挈諸幼遠遁決矣及今買舟
東下儻免乎屢資窘難於行曰勿恐有履在謝恚曰

不避盡歸我母家母家有深池卽有急有死所可無
辱也已屢出城南謝丁寧語如初屢未反蘭溪兵潰
東奔者不絕難再號謝裹糧扶幼女出走媵以小兒
從厥明力憊甚手牽女行且泣曰汝父不得復見矣
吾與若死而身不可失也避入金華山中媵棄
小兒道上逃去已赤幟徧山谷呼嘯擄女婦謝度不
免力捫蘿上抱女下投崖死屢歸求之浹日始得死
母與女相向貌如生宋景濂傳之曰戊戌之變濂女
弟娶亦秉節沉淵歿胡仲申翰曰嵎人商淵妻張賈
誠妻宋亦溺死猶皆曰儒家有所聞至姜女董婦皆

里巷張女婦耳亦死其張氏家僅編伍業牧圉一旦
聞難妻死二女從死勿未笄亦死而天台狄恒妻徐
被盜執絛賊取水飲自沉死吳氏婦以梅塘水縈且
深沉焉後數日得屍雖盛暑如生新昌史周如祇女
不屈死是時台浙諸婦卓犖見紀載如此者則文獻
在金華故也

鄭宜人羅氏名好安信州弋陽人幼誦烈女傳甚習
年二十歸同里鄭堪堪家世同居百餘口羅執婦道
無間言堪以功擢鉛山州判官羅得封已信州陷羅
度弋陽近必不免取所佩刀淬鉞之兵至自到死漳

州萬戶府知事劉文興妻王建康人從文興於漳盜
攻漳文興戰疾力歿之王被執給賊收夫骸請從積
柴負夫屍燔焉火既烈卽自投火中賊陷長樂柯婦
陳被執罵賊歿父卧病見女至呼不應駭之已有自
賊中歸者言歿狀乃知非人也明日屍逆流上夫昇
歸歛焉房山陷房山王士明妻李與其女俱歿李婦
劉遇賊饑烹其夫請代得烹歿元末亂官軍復嚴州
而縱掠威平俞士淵妻童身翼姑抱護之不去諸惡
羣之去罵不屈刃斷其左臂愈不屈復斷其右臂如
物羣惡乃破其面而去乃遂歿始童事姑孝姑難事

寡恩童順事不拂卒歿其難

高郵有張女以艷聞匿複室中賊得其父母劫致之
女不得已出拜賊賊喜呼其父母爲丈人媼授資焉
以女行女辭去度稍遠赴水歿盜陷浦城執徐嗣源
欲殺之女請代舍之以女行徐題詩桂林橋赴水歿
松陽周婦毛罵賊歿汴梁丁尚賢妻李與其家並歿
儒士李讓女順兒自經歿紹興吳守正妻禹抱幼女
自沉歿張士誠陷諸暨王琪妻蔡避兵長寧山賊猝
至造楮錢方沸蹈其中歿破杭州黃仲起妻朱與其
女俱歿妾馮從歿仲起弟婦蔡抱幼子與乳母湯自

經火博興焦士廉妻王被盜執給曰家墓田有藏金
可取之王至墓所哭曰得灰所矣與妾在皆灰紹興
兵變德清稅務提領張正蒙與妻韓並縊灰女池奴
年十七聞之泣投崖灰龍泉季說妻何亦灰漂水袁
女少失父獨與母嚴居家極貧母病癱卧床者數年
矣女奉養周盡至正中兵熾其里鄰婦呼避火女曰
我有母何可避入室抱其母熾灰山陰徐允讓妻潘
賊至夫代舅得灰潘給盜請得焚夫尸火熾赴火灰
陳淑真富州陳壁女也壁儒者避亂之隆興陳友諒
寇隆興淑真取琴坐牖下彈之曲終泣然曰吾絕絃

於斯乎。父母恠問之。淑真曰。城陷必辱。不如死也。明日隆興陷。溺東湖水中。水淺不能死。賊抽矢脇之。不聽。中矢死。同郡李宗願妻夏亦儒家女。賊至。赴井死。劉氏二女子登樓自經死。婢鄭奴從死。陷茶陵。于同祖妻曹與夫訣自刎死。妾李驚抱持之不殊。旦追夕竟死。冀寧李弘益妻申念不欲以身故爲弘益累。先事死。弘益再娶安而卒。安薰沐從死。河東亂。監察御史張訥妻劉盡發貲給家人。若子婦死焉。宜慰副使李羅妻高麗人。聞夫死。積薪塞戶外。自焚死。大同張思孝妻爲新高兵所執。不屈死。婦劉伏姑。屢罵不絕。

亦死狀元張棟妻王遇盜赴井死姑哭之慟隨俱死
宗王黑問女遇難自縊死進士安志道妻劉罵賊斷
舌死大都陷詳定使程徐妻金抱子女沒井死有趙
媪者與其婦溫高徐謀決死趙自經諸婦四人諸孫
男女六人衆妾三人各並死徐孫妻岳及母王二女
一子赴火死永平王宗仁詳妻攜一女赴水死賊陷
太原行省叅政王時妻安與妾李赴井死太原人王
履謙妻齊與一妻二女二孫女避亂巖谷中賊至投
崖死大寧陷帥鐵木兒不花之妻也先忽都與妻王
蓮罵賊死賊犯陵州州人呂彥能集家人謀所如往

有姊婆居泣曰吾喪夫二十年又不幸無子今往何之吾死已夫出赴井死妻劉曰妾爲君家婦二十八年茲不幸亂離君可往妾不負君無往矣亦死二女二孫女及子婦王皆從死盜寇濟南濟南劉公翼妻蒲解條自經死趙洗妻許氏集賢大學士有壬公之從兄女也紅巾陷遼陽洗爲儒學提舉避亂匿資善寺以叱賊死許未之知也賊甘言誘之不可刃劫之不可已知其夫死仆地哭罵曰吾母死于賊吾女兄亦死賊今吾夫又死焉吾得報汝當醢汝忍從汝乎罵不絕口死至元中渤海劉平者戍東陽攜家行至

沙河夜車宿河傍有虎至街平去妻以亟起追及之
持虎足呼車中兒急取刀殺虎虎死扶平還至車死
至大中建德王女父出耘遇豹豹搏之女聞父號呼
聲走趨救以父所耘鋤擊豹腦殺之父得生餘杭姚
女虎啣母女逐驅之竟全母建寧方寧妻官夫爲虎
所得奮擊虎全夫骸而歸俱旌當元時夫亡守志極
貞白不改適得旌者燕人張買奴妻王馮翊王義妻
盧睢陽劉澤妻解樂平楊三妻張其夫死從死者遼
陽李君進妻王湖州同耶律忽都知不花妻移刺氏
大寧爾妻趙濱州惠高妻李汴人孟志剛妻朱鈞州

曹德妻侯雷州朱克彬妻周無慮百十人其夫報衛
志養舅姑盡孝終喪裏事盡禮者翼人朱仲榮妻梁
懷人孟妻何新建鄭妻丁渤海李妻劉氏之倫史具
有傳嗚呼胡元以北狄主中國民燹大戾亂而史紀
節行特著胡俗子收父妾弟于兄妻不而脫脫尼雅
吉刺氏李世安妻王只魯花真妻蒙古具以歿自全
胡貞不性生哉

八編類纂

八編類纂卷之二百二十二

經濟編

人類

賢婦人

季康子問於公父文伯之母曰主亦有以語肥也對
曰吾能老而已何以語子康子曰雖然肥願有問於
主對曰吾聞之先姑曰君子能勞後世有繼于夏聞
之曰善哉商聞之曰古之嫁者不及舅姑謂之不幸
夫婦學於舅姑者也公父文伯飲南宮敬叔酒以
露睹父爲客羞鼃焉小睹父怒相延食鼃辭曰將使

鼈長而後食之遂出文伯之母聞之怒曰吾聞之先
子曰祭養尸饗養上賓饗於何有而使夫人怒也遂
逐之五日魯大夫辭而復之公父文伯之母如季
氏康子在其朝與之言弗應從之及寢門弗應而入
康子辭於朝而入見曰肥也不得聞命無乃罪乎曰
子弗聞乎天子及諸侯合民事於外朝合神事於內
朝自卿以下合官職於外朝合家事於內朝寢門之
內婦人治其業焉上下同之夫外朝子將業君之宮
職焉內朝子將庀季氏之政焉皆非吾所敢言也
公父文伯還朝朝其母其母方績文伯曰以歆之家

至則斯齊威王勃然怒曰叱嗟而母婢也卒爲天下
笑故生則朝周死則叱之誠不忍其求也彼天子固
然其無足怪新垣衍曰先生獨不見夫僕乎十人而
從一人者寧力不勝而智不若耶畏之也魯仲連曰
嗚呼梁之比于秦若僕耶新垣衍曰然仲連曰吾將
使秦王烹醢梁王新垣衍烘然不悅曰噫嘻亦太甚
矣先生之言也先生又惡能使秦王烹醢梁王仲連
曰固也吾將言之昔者九侯鄂侯文王紂之三公也
九侯有子而好獻之于紂紂以爲惡醢九侯鄂侯平
之強辨之疾故脯鄂侯文王聞之喟然而歎故拘之

美里之庫、百日欲令之死、曷爲與人俱稱王卒就脯醢之地、齊潛王將之魯、夷維子爲執策而從、謂魯人曰、子將何以待吾君、魯人曰、吾將以十太牢待子之君、夷維子曰、子安取禮而來吾君、彼吾君者、天子也、天子巡狩、諸侯辟舍、納莞簟、攝衽抱杙、視膳于堂下、天子已食、乃退而聽朝也、魯人投其簞、不果納、不得入於魯、將之薛、假途于鄒、當是時、鄒君死、潛王欲入弔夷維子、謂鄒之孤曰、天子弔主人、必將倍殯棺設北面於南方、然後天子南面而弔也、鄒之群臣曰、必若此、吾將伏劍而死、固不敢入于鄒、鄒魯之臣生則

今日胡不自安以是承君之官余懼穆伯之絕祀也
仲尼聞之曰弟子志之季氏之婦不淫矣公父文
伯之母季康子之從祖叔母也康子往焉闔門與之
言皆不踰闔祭悼子康子與焉酢不受徹俎不晏宗
不具不繹繹不盡飫則退仲尼聞之以爲別於男女
之禮矣公父文伯卒其母戒其妾曰吾聞之好內
女以之好外士死之今吾子天死吾惡其以好內聞
也二三婦之辱其先祀者請無瘠色無洵涕無指膺
無憂容有降服無加服從禮而靜是昭吾子也仲尼
聞之曰女知莫如婦男知莫如夫公父氏之婦知也

夫欲明其子之令德也。公父文伯之母朝哭穆伯而莫哭。文伯仲尼聞之曰：季氏之婦可謂知禮矣。愛而無私，上下有章。

伯宗朝以喜歸，其妻曰：子貌有喜，何也？曰：吾言於朝，諸大夫皆謂我知。似陽子對曰：陽子華而不實，主言而無謀，是以難及其身子。何喜焉？伯宗曰：吾飲諸大夫酒而與之語，爾試聽之。曰：諾。既飲，其妻曰：諸大夫莫子若也。然而民不能戴其上久矣，難必及子。子盍亟索士，慙庇州犁焉。得畢陽及欒弗忌之難，諸大夫害伯宗將謀而殺之。畢陽實送州犁于荆。

趙王以趙括爲將代廉頗及括將行其母上書言于王曰括不可使將王曰何以對曰始妾事其父時爲將身所奉飯飲而進食者以十數所友者以百數大王及宗室所賞賜者盡以予軍吏士大夫受命之日不問家事今括一旦爲將東向而朝軍吏無敢仰視之者王所賜金帛歸藏于家而日視便利田宅可買者買之王以爲何如其父父子異心願王勿遣王曰母置之吾已決矣括母因曰王終遣之卽有不如不稱妾得無隨坐乎王許諾趙括旣代廉頗悉更約束易置軍吏秦將白起聞之縱奇兵佯敗走而絕其糧道

分斷其軍爲二、士卒離心、四十餘日、軍餓、趙括出銳卒自搏戰、秦軍射殺趙括、括軍敗、數十萬之衆遂降秦、秦悉阬之、趙前後所亡凡四十五萬、明年、秦兵遂圍邯鄲、歲餘、幾不得脫、賴楚魏諸侯來救、乃得解邯鄲之圍、趙王亦以括母先言、竟不誅也。

漢文帝時、人上書言淳于意以刑罪當傳西之長安、意有五女隨而泣、意怒罵曰、生女不生男、緩急無可使者、于是少女緹縈傷父之言、乃隨父西、上書曰、妾父爲吏、齊中稱其廉平、今坐法當刑、妾竊痛父者、不可復生、而刑者不可復續、雖欲改過、自新其、道莫由。

終不可得。妾願入身爲官婢。以贖父刑罪。使得改行自新也。書聞。上悲其意。此歲中亦除肉刑法。

嚴延年母從東海來。欲從延年臘。到雒陽。適見報囚母大驚。便止都亭。不肯入府。延年出至都亭。謁母。母閉閣不見。延年免冠頓首。閣下良久。母乃見之。因數責延年。幸得備郡守。專治千里。不聞仁愛教化。有以全安愚民。顧乘刑罰。多刑殺人。欲以立威。豈爲民父母意哉。延年服罪。重頓首謝。因自爲母御歸府舍。母畢正臘。謂延年天道神明。人不可獨殺。我不意當老見壯子被刑戮也。行矣。去女東歸。掃除墓地耳。遂去。

歸郡見昆弟宗人復爲言之後歲餘果敗東海莫不
賢知其母延年兄弟五人皆有吏材至大官東海號
曰萬石嚴嫗

渤海鮑宣妻者桓氏之女也字少君宣嘗就少君父
學父奇其清苦故以女妻之裝送資賄甚盛宣不悅
謂妻曰少君生富驕習美飾而吾實貧賤不可當禮
妻曰大人以先王脩德守約故使賤妾侍執巾櫛既
奉承君子唯命是從宣笑曰能如是是吾志也妻乃
悉歸侍御服飾更著短布裳與宣共挽鹿車歸鄉里
拜姑禮畢提甕出汲脩行婦道鄉邦稱之宣哀帝時

官至司隸校尉子末中興初爲魯郡太守末子昱從容問少君曰太夫人寧復識挽鹿車時不對曰先姑有言存不忘亡安不忘危吾焉敢忘乎

太原王霸少立高節光武時連徵不任妻亦美志行初霸與同郡令狐子伯爲友後子伯爲楚相而其子爲郡功曹子伯乃令子奉書于霸車馬服從雍容如也霸子時方耕于野聞賓投耒而歸見令狐子沮怍不能仰視霸目之有愧容客去而久卧不起妻怪問其故始不肯告妻請罪而後言曰昔與子伯素不相若向見其子容服甚光舉措有適而我兒曹蓬髮歷

齒未和禮則見客而有慚色父子思深不覺自失耳
妻曰君少脩清節不顧榮祿今子伯之貴孰與君之
高秦何忘宿志而慚兒女子乎羈屈起而笑曰有是
哉遂共終身隱遯

河南樂羊子嘗行路得遺金一餅還以與妻妻曰妾
聞志士不飲盜泉之水廉者不受嗟來之食况拾遺
求利以污其行乎羊子大慙乃捐金于野而遠尋師
學一年來歸妻跪問其故羊子曰久行懷思無他異
也妻乃引刀趨機而言曰此織生自蠶繭成于機杼
一絲而累以至于寸累寸不已遂成丈匹今若斷斯

字者與
十初者
若所修

織也則捐失成功稽廢時月夫子積學當日知其
亡以就懿德若中道而歸何異斷斯織乎羊子感其
言復還終業遂七年不返妻常躬勤養姑又遠饋羊
子嘗有他舍雞謬入園中姑盜殺而食之妻對雞不
餐而泣姑怪問其故妻曰自傷居貧使食有他肉姑
竟棄之後盜欲有犯妻者乃先刼其姑妻聞操刀而
出盜人曰釋汝刀從我者可全不從我者則殺汝姑
妻仰天而嘆舉刀刼頸而死盜亦不殺其姑太守聞
之卽捕殺賊盜而賜妻練帛以禮葬之號曰貞義

漢中陳文矩妻者同郡李法之姊也字穆姜有二男

而前妻四子文矩爲安衆令喪于官四子以母非所
生憎毀日積而穆姜慈愛溫仁撫字益隆衣食資供
皆兼倍所生或謂母曰四子不孝甚矣何不別居以
遠之對曰吾方以義相導使其自遷善也及前妻長
子興遇疾困篤母惻隱自然親調藥膳恩情篤密興
疾久乃瘳于是呼三弟謂曰繼母慈仁出自天授吾
兄弟不識恩養禽獸其心雖母道益隆我曹過惡亦
已深矣遂將三弟詣南鄭獄陳母之德狀已之過乞
就刑辟縣言之于郡郡守怪異其母獨除家徭遣散
四子許以脩葺自後訓導愈明並爲良士穆姜年八

十餘卒臨終敕諸子曰吾弟伯虔智達士也所論蕩
盪其義至矣又臨亡遺令賢聖法也今汝曹遵承勿
與俗同增吾之累諸子奉行焉

安定皇甫矩喪室家後更娶之妻善屬文能草書時
爲規荅書記衆人怪其工及規卒時妻年猶盛而容
色美後董阜爲相國承其名聘以駟轡百乘馬二十
匹奴婢錢帛克路妻乃輕服詣卓門跪自陳情辭甚
酸愴卓使傳奴侍者悉拔刀圍之而謂曰孤之威教
欲令四海風靡何有不行于一婦人乎妻知不免乃
立罵卓曰君羗胡之種毒害天下猶未足耶妾之先

太清德奕世皇甫氏文武上才爲漢忠臣君親非其
趙使走吏乎敢欲行非禮于爾君夫人耶卓乃引車
庭中以其頭懸轆轤朴交下妻謂持杖者曰何不重
乎速盡爲惠遂成車下後人圖畫號曰禮宗云

魏丹陽大都督媯覽郡承戴自殺太守孫翊覽入居
軍府中欲逼取翊妻徐氏徐氏殆之曰乞取晦日設
祭除服然後聽命覽許之徐氏潛使所親語翊親近
舊將孫高傳嬰等與其圖覽高嬰涕泣許諾密呼翊
時侍養者二十餘人與盟誓合謀到晦日設祭徐氏
哭泣盡哀畢乃除服薰香沐浴言笑懽悅大小悽愴

怪其如此覽密覘復無疑意徐氏呼高嬰置戶內使人召覽入徐氏出戶拜覽適得一拜徐大呼二君可起高嬰俱出共殺覽餘人卽就外殺員徐氏乃還續經奉覽員首以祭胡墓舉軍震駭

曹爽從弟文叔妻夏侯令女早寡而無子其父文寧欲嫁之令女刀截兩耳以自誓居常依爽爽誅其家上書絕昏彊迎以歸復將嫁之令女竊入寢室引刀自斷其鼻其家驚惋謂之曰人生世間如輕塵棲弱草耳何至自苦乃爾且夫家夷滅已盡守此欲誰爲哉令女曰吾聞仁者不以盛衰改節義者不以存亡

易心曹氏全盛之時。尚欲保終光。今衰亡何忍棄之。
此禽獸不行。吾豈爲乎。司馬懿聞而賢之。聽使乞子。
字養爲曹氏後。

晉皇甫謐字士安。漢太尉嵩之曾孫也。出後叔父徙。
居新安。年二十。不好學。游蕩無度。或以爲癡。嘗得瓜。
果輒進所後叔母任氏。任氏曰。孝經云。三牲之養。猶。
爲不孝。汝今年餘二十。目不存教。心不入道。無以慰。
我。因嘆曰。昔孟母三徙。以成仁。曾父烹豕。以存教。豈。
我居不卜隣。教有所闕。何爾魯鈍之甚也。脩身篤行。
自汝得之于我。何有因對之流涕。謐乃感謝就鄉人。

席坦受書勤力不怠居貧躬自稼穡帶經而農遂博綜典籍百家之言

辛耽妻辛氏字憲英魏侍中毗之女也聰明有才鑒初魏文帝得立爲太子抱毗項謂之曰辛君知我喜

大條

不毗以告憲英憲英嘆曰太子代君主宗廟社稷者也代君不可以不戚主國不可以不懼宜戚而喜何以之久魏其不昌乎第敝爲大將軍曹爽叅軍宣帝將誅爽因其從魏帝出而閉城門爽司馬魯芝率府兵斬關赴爽呼敝同去敝懼問憲英曰天子在外太傅閉城門人云將不利國家于事可得爾乎憲英曰

事有不可知。然以吾度之。太傅殆不得不爾。明皇帝臨崩。把太傅臂。屬以後事。此言猶在朝士之耳。且曹爽與太傅俱受寄託之任。而獨專權勢。于王室不忠。于人道不直。此舉不過以誅爽耳。敞曰。然則敞無出乎。憲英曰。安可以不出。職守人之大義也。凡人在難。猶或恤之。爲人執鞭而棄其事。不祥也。且爲人任爲人。歟。親昵之職也。汝從衆而已。敞遂出。宣帝果誅爽。事定後。敞嘆曰。吾不謀於姊。幾不獲于義。其後鍾會爲鎮西將軍。憲英爲統從子。祐曰。鍾士季何故西出。祐曰。將爲滅蜀也。憲英曰。會在事縱恣。非持久處下。

之道。吾畏其有他志也。及會將行。請其子琇爲參軍。
憲英憂曰。他日吾爲國憂。今日難至吾家矣。琇固請。
于文帝。帝不聽。憲英謂琇曰。行矣。戒之。古之君子入。
則致孝于親。出則致節于國。在職思其所司。在義思。
其所立。不遺父母憂患而已。軍旅之間。可以濟者。其。
惟仁恕乎。會至蜀。果反。琇竟以全歸。祐嘗送錦被。憲。
英嫌其華。反而覆之。其明鑒儉約如此。

張宜子以女妻劉殷。宜子家富于財。其妻怒曰。我女。
年始十四。姿識如此。何慮不得爲公侯妃。而遽以妻。
劉殷乎。宜子曰。非爾所及也。誠其女曰。劉殷至孝。冥。

感。寒才識超世。此人終當達達爲世名公。汝其謹事之。張氏性亦婉順。事祖姑王母以孝聞。奉殷如君父焉。及王氏卒。殷夫婦毀瘠。幾至滅性。時柩在殯。而西鄰失火。風勢甚盛。殷夫婦巾殯號哭。火遂越燒東家。後二白鳩巢以庭樹。自是名譽彌顯。

陶侃母湛氏。豫章新淦人也。侃父丹聘爲妾。生侃而陶氏貧賤。湛氏每紡績資給之。使交結勝己。侃少爲尋陽縣吏。嘗監魚梁。以一蚌解龜母。湛氏封蚌及書責侃曰。爾爲吏。以官物遺我。非惟不能益吾。乃以增吾憂矣。鄱陽孝廉范逵寓宿于侃時。大雪。湛氏乃微

所卧薪薦自剗給其馬、又密截髮賣與鄰人供餽饑、
達聞之嘆息曰、非此母不生此子、侃竟以功名顯、
孟昶妻周氏昶弟顥妻又其從妹也、二家並豐財產、
桓玄常雅重昶而劉邁毀之昶知深自惋失及劉裕
將建義與昶定謀昶欲盡散財物以供軍糧其妻非
常婦人可語以大事乃謂之曰劉邁毀我于桓公便
是一生淪陷決當作賊卿幸可早爾離絕脫得富貴
相迎不晚也周氏曰君父母在堂欲建非常之謀豈
婦人所諫事之不成當于奚官中奉養大家義無歸
志也昶愴然久之而起周氏追昶坐云觀君舉厝非

謀及婦人者，不過欲得財物耳。時其所生女在抱，推而示之曰：「此女可賣，亦當不惜。况資財乎？」遂傾資產以給之，而託以他用。及事之將舉，周氏謂顓妻云：「氏昨夢殊不妖，門內宜浣濯沐浴以除之，且不宜赤色。我當悉取作七日藏厭，顓妻信之。所有絳色者悉斂以付焉，乃置帳中，潛自剔綿以絳與和，遂得數十人。被服赫然，悉孟氏所出，而家人不之知也。」

韋逞，攝宋氏家世，以儒學稱。宋氏幼喪母，其父躬自養之。及長，授以周官音義，謂之曰：「吾家世學周官，傳業相繼。此又周公所制經紀典誥，百官品秩，備于此。」

矣吾今無男可傳汝可受之勿令絕世屬天下承亂
宋氏諷誦不輟其後爲石季龍徙之于山東宋氏與
夫在徙中推鹿車背負父所授書到冀州依膠東富
人程安壽壽養護之逞時年小宋氏晝則樵採夜則
教逞然紡績無廢壽每嘆曰學家多士大夫得無是
乎逞遂學成名立仕苻堅爲太常堅嘗幸其太學問
博士經典乃憫禮樂遺闕時博士盧壹對曰廢學旣
久書傳零落比年綴撰正經粗集唯周官禮注未有
其師竊見太常韋逞母宋氏世學家女傳其父業得
周官音義今年八十視聽無闕自非此母無可以傳

授後生。于是就宋氏家立講堂。置生員百二十人。隔絳紗幔而受業。號宋氏爲宣文君。賜侍婢十人。周官學。復行于世。時稱韋氏宋母焉。

劉聰妻劉氏名娥。字麗華。僞太保殷女也。幼而聰慧。晝營女工。夜誦書籍。母恒止之。娥敦習彌厲。每與諸兄論經義。理趣超遠。諸兄深以嘆服。性孝友。善風儀。進止聰既僭位。召爲右貴嬪。其寵之。俄拜爲后。將起鷄儀殿以居之。其廷尉陳元達切諫。聰大怒。將斬之。娥時在後堂勅。私左右停刑。手疏啓曰。伏聞將爲妾營殿。今昭德足居。鷄儀非急。四海未一。禍難猶繁。

動須人力資財、尤宜慎之。廷尉之言、國家大政、妾謂陛下宜賞。廷尉以美爵酬之、尉以列土如何。誅之陛下此怒由妾而起。廷尉之禍由妾而招人怨國、疲咎歸于妾。距諫害忠、亦妾之由。自古敗國喪家、未始不由婦人者也。妾每覽古事、忿之忘食、何意今日妾自爲之後人、之觀妾亦猶妾之視前人也。復何面目仰侍巾櫛、請歸歿此堂、以塞陛下誤惑之過。聰覽之色變、謂其群下曰、朕比得風疾、喜怒過常。元達忠臣也、朕甚愧之以娥、表示元達曰、外輔如公、內輔如此、后朕無憂矣。

陳歐陽紇召陽春太守馮僕至南海誘與同反僕遣使告其母洗夫人夫人曰我忠貞兩世今不能惜汝而負國也遂發兵拒境帥諸酋長迎章昭達昭達至始興紇懼山頓淮口多聚沙石盛以竹籠置于水柵之外昭達令人潛行斫籠因縱大艦突之紇敗擒之斬于建康市紇之反也士人流寓者皆惶駭前著作佐郎蕭引獨恬然曰管幼安袁曜卿亦但安坐耳君子直已行義何憂懼乎至是陳主徵以爲侍郎馮僕以其母功封信都侯遷石龍太守遣使者持節冊命洗氏爲石龍太夫人賜以繡轡安車鼓吹麾節鹵簿

如刺史之儀

唐代宗時嚴武三鎮劒南厚賦歛以窮奢侈梓州刺史章彝小不副意召而杖殺之然吐蕃畏之不敢犯其境母數戒其驕暴武不從及歿母曰吾今始免爲官婢矣

杜棕尚岐陽公主公主憲宗長女有賢行杜氏大族尊行不翅數十人公主早委怡順一同家人禮度二十餘年始至則與棕謀曰上所賜奴婢卒不肯窮屈奏請納之悉自市寒賤可制者自是閨門落然不聞人聲。

吳亮濟以董昌齡爲郾城令而質其母其母謂昌齡
曰願成賢于逆生汝去逆而吾成乃孝子也從逆而
吾生是戮吾也會官軍絕郾城歸路昌齡乃舉城降
李景讓母鄭氏性嚴明早寡家貧居於東都諸子皆
幼母自教之宅後古牆因雨墮陷得錢盈船奴婢喜
走告母母往焚香祝之曰吾聞無勞而獲身之灾也
天必以先君餘慶矜其貧而賜之則願諸孤宅日學
問有成乃其志也此不敢取遽命掩而築之三子景
讓景溫景莊皆舉進士及第景讓宦達髮已班白小
有過不免捶楚景讓在浙西有左都押牙迂景讓意

景讓杖之而斃軍中憤怒將爲變母聞之景讓方視
事母出坐廳事立景讓於庭而責之曰天子付汝以
方面國家刑法豈得以爲汝喜怒之資安殺無罪之
人乎萬一致一方不寧豈惟上負朝廷使垂年之母
銜羞入地何以見汝之先人乎命左右褫其衣坐之
將撻其背將佐皆爲之請拜且泣久乃釋之軍中由
是遂安景莊老於場屋每被黜母輒撻景讓然景讓
終不肯屬主司曰朝廷取士自有公道豈敢效人求
關節乎久之宰相謂主司曰李景莊今歲不可不收
可憐彼翁每歲受撻由是始及第

楚王希範始開天策府置護軍都尉領軍司馬等官以諸第及將校爲之又以幕僚拓跋恒李弘皋廖匡圖徐仲雅等十八人爲學士劉勅等進攻溪州彭士愁兵敗棄州走保山寨石崖四絕勅爲梯棧上圍之廖匡齊戰歿楚王希範遣弔其母其母不哭謂使者曰廖氏三百口受王溫飽之賜舉族効歿未足以報况一子乎願王無以爲念王以其母爲賢厚恤其家後周周行逢爲武平節度使多計數善發隱伏將卒有謀亂及叛亡者行逢必先覺擒殺之所部凜然然性猜忍常散遣人密訶諸州事其之邵州者無事可

復命但言刺史劉光委多宴飲行逢曰光委數聚飲
欲謀我邪卽召還殺之行逢妻鄧幽夫人鄧氏聞而
剛決善治生嘗諫行逢用法太嚴人無親附者行逢
怒曰汝婦人何知鄧氏不悅因請之村墅視田園遂
不復歸府舍行逢屢遣人迎之不至一旦自帥僮僕
來輸稅行逢就見之曰吾爲節度使夫人何自苦如
此鄧氏曰稅官物也公爲節度使不先輸稅何以率
下且獨不記爲里正代人輸稅以免楚撻時邪行逢
欲與之歸不可曰公誅殺太過常恐一旦有變村墅
易爲逃匿耳行逢慙怒其僚屬曰夫人言直公宜納

之

宋太長公主太宗女幼不好華貌類太宗下嫁李遵
勗賓客皆一時賢士大夫每宴集主必親視饔餼之
節章獻太后賞賜金龍小冠辭不敢服太后訪以政
事多語祖宗舊事以諷遵勗守許州暴得疾主亟欲
往視不待奏而行從者才五六人居夫喪衰麻未嘗
去身服除不復御鮮華嘗燕禁中仁宗親爲簪花主
辭曰自誓不復爲此久矣未幾病目帝自臨視親舐
主卧左右感泣帝亦悲慟問子孫所欲主曰豈可以
卧疾而邀賞邪齊賜白金三千兩不受至是以暴疾

聞帝促駕往視未至而主卒乃卽主堂易服奠哭謚
獻穆

妬

魏王遺楚王美人楚王說之夫人鄭襄知王之說新
人也甚愛新人衣服玩好擇其所喜而爲之宮室卧
具擇其所善而爲之愛之甚於王王曰婦人所以事
夫者色也而妬者其情也今鄭襄知寡人之說新人
也其愛之甚於寡人此孝子之所以事親忠臣之所
以事君也鄭襄知王以已爲不妬也因謂新人曰王
愛子美矣雖然惡子之鼻子爲見王則必掩子鼻新

人見王因揜其鼻王謂鄭衷曰夫新人見寡人則揜其鼻何也鄭衷曰妄知也王曰雖惡必言之鄭衷曰其似惡聞王之臭也王曰悍哉令劓之無使逆命